

中国名山志



中国文献珍本丛书

中国名山志(十一)

全国图书馆文献缩微复制中心





蘇州府志

黃山續志序

姚江黃宗羲撰

沈眉生住焦村累書招我爲黃山之遊是時老母年開九帙余不敢妄離左右及老母棄世兩眉生云亡余亦衰老不能行脚以爲妄轡爲山靈所絀也歲辛未以靳使君至新安遂入此山龍虎良杖一步九頓豈能窮極幽險令靳使君爲華亭所冀牛背笛聲情人之約不以幽明隔斷則朱石紫石便是葛洪臺畔耳適汪栗亭黃山續志告成屬余序之余未窮峰巒之形勝盡煙雲之變態烏

能序然難違栗亭之意余閱道藏天下名山之志
多入其中大抵庸妄道士所爲其間緣飾神仙之
說半屬于虛近日叢林又各有寺志以山川佐其
螺鈹村偈街談嘔穢滿紙又一變也曾見石奇雪
竇志載方干之詩註其爵里曰元和狀元余不覺
失笑唐末宰臣張文蔚中書舍人封舜卿奏名儒
不遇者十有五人請賜一官以慰冥魂干其一也
石奇以爲狀元庶幾可以慰干矣因戲爲一絕云
元英詩句不銷磨十舉終難占一科
後奏名何足慰不如雪竇莽禪和觀此則其他
知矣栗亭

學有師法故其爲志謹嚴聊爾詩文盡行汰去釋
氏必九僧之亞方入簡編黃山面目還他本色顧
非他志比也有言黃山志定本栗亭旣與纂修三
十六峯寫貌曲盡寧畱餘地以俟後人余謂不然
山川有定形而無定情朝暮之變不知凡幾才人
文士之胸懷正復汲之無盡後人之所見未必前
人之所有鈞天之樂帝之所以觴百神也世智限
心驚相告以爲寓言而已焉知至人不視如丘里
之俎豆乎吾知一續再續猶不足以盡黃山也

一覽再觀不異以盡黃山之

心驚服者以然高言而日晝映空人不歸取五里

人之夜宵陰天之樂帝之天以觀百極也世嘗知

文士之院對五真必之無盡對人之海與未必前

山川育安汎而無定辭樓暮之變不暇其幾古人

十六峯為卷曲盡寧商籍賦以幾對人余醉不然

非出志出也言黃山志安本栗亭詩與纂對三

天必其會之亞衣人滿臨黃山面日幾對本會爾

學不祖去姓其然志韓遠順爾藉文盡行太去賢

黃山志續集序

雲間周金然撰

陳徵士有言名山大川旋轉生滅多賴風輪風輪何在文人才子之筆是也蓋山川睂目非得解人品題不能相發故山志藝文一集披採恒患不盡不盡則山靈之品題知己恐致失傳而睂目不出也我友汪君栗亭旣訂黃山志成又博采近代名流賦詠梓爲續集會余山遊歸道經潛口訪栗亭園居而屬余爲之序余謂黃山如一部大易包蘊無窮自王輔嗣以來闡疏者何限大率智者見智

仁者見仁橫說豎論顯證微叅終莫能罄其與義
有能罄之斯後來可廢然斷乎無是理也若茲山
之瑰詭聳拔奇幻百出卽同遊之人而彼此異趣
一人之遊而先後殊觀故寫狀之肖歎讚之工代
各有人人各擅美縱續且不已亦安能爲獲麟之
筆乎且陵谷海桑星移物換沉碑於水後世猶或
在山顛况其爲木石爲谿洞爲梵宇琳宮興廢存
沒尤非可以恒理測未知後之視今又當如何改
觀耶茲編所收多別具手眼不濫不漏期於表章
名勝重開生面耳至若徐凝詩句反貽林壑之慚

則不待飛流濺沫而蕩滌盡矣粟亭其山志董狐
哉

遊

願不替然城郭在山巖細盡矣果亭其山志董

黃山志續集卷一

汪志遠靜夫

汪士鉉扶晨

吳瞻泰東巖纂次

新安

吳菘綺園

汪樹琪玉依

藝文部

遊黃山記

靳治荆

庚午三月一日予既遊白嶽歸越十日復決計遊黃山

隔夜雷雨交作至曉猶晦冥未解僉以爲不果行也顧

餘興勃勃戒早膳具衣鞵襪被壺榼觴豆諸食物同楊

學萊蘇月槎戴陰而出西行迤北約七八里至某村三元殿甚巍煥登樓小憇峯抱溪環漸遠塵俗又二十里至潛口卽誌云阮溪也汪子扶晨具酌作山遊餞并貽黃山程記因得按次問途是處得而名之午餘抵楊干大雨如注輿人有難色余不爲阻一路懸崖峭壁都在煙嵐杳靄中少刻雨霽草香襲人過上舍山橋奔灘出綠陰中村居數十家面山臨水幽致可樂迤邐至山口晚矣時王蒼霞亦到相與歡飲而寢泉聲徹夜潺潺在牀第間十一日早發過山口嶺黃土嶺石心嶺約十餘

里至楊村茶店小飯前行至芳村父老具酒餚以迎領
三爵而行又十餘里始抵湯口計百一十五里也卓午
再飯店舍白雲片片從峯頂湧起雨復翻盆通谷瀰漫
陡發狂漲六七尺洶湧溢路不可復行唯劇飲縱談而
宿十二日黎明啓行微陰不雨望天都巍巍峩峩兀立
雲表轉折間見飛瀑百尺如玉龍掛空里人指曰此青
鸞峰瀑布也如是者不止數十處又三四里至祥符寺
則不覺其入軒皇福地矣寺僧啓小軒延客嵐翠滿几
席間以其正對紫石峰也顏之曰紫玉出戶周視溪流

瑋琮嘉木蔭映便已迥越人境隔溪巖畔卽湯泉所鍾
湯池鬻焉因酌美醞數竿徃就浴之度石橋下小亭亭
蓋築以蔭池者深可四五尺廣如之長倍之其泉自旁
潛注汨汨不已立不及臍坐可到胸掬之作桃花色嗅
之作硃砂香煖氣氤氲融徹筋骨涵泳其際幾於心息
兩忘龍虎交會之時山僧言池中徃徃放光或有火自
潭底冲出豈陽汞之燄不可終遏若海中之陰火然抑
誠仙靈著異緣淺者莫能逢歟先是湯池有二其一爲
巨石摧阻未能清出侍御程梓園先生曾爲予言予有

志未遑也浴畢小歇披涼徐行穿茂林躡幽磴者里餘
至慈光之外山門則山入漸深修篁夾徑老樹撥天不
知歷幾年歲再折而上爲辨源亭亭當山路之衝礪壑
形勢舉目可得小坐復上爲得心亭一路冷翠清陰逼
人矚睫杳不知所窮止旣近寺中洲和尚以住山出延
歷覽之餘得其向背梗概大約以硃砂爲主峯故舊名
硃砂菴天都峙其左石人障其右盤鬱鞏固眞名山之
龍藏也其佛像自前代宮中賜出老層四面範金爲之
殿宇爲黃姓所創今梁柱半朽主僧因乞予作疏募修